



ԿԿՈՒ

Մանկապատանեկան Թերթիկ



Թիւր պատրաստեց՝
Մարտին ԱՐՈՏԵԱՆ-ՇԱՀԻՆԵԱՆ
Նկարազարդեց՝
ՌԱՅՅԻ ԲԷՇԵՆԱՆ

ԲՆԱԿԱՆ ԵՐԵՒՅԹՆԵՐՈՒ ՄԱՍԻՆ

ՓԵՏՐՈՒԱՐ Ե - 2024
Թիւ 8

ԻՆՉ Է ՓՈԹՈՐԻԿԸ:

Փոթորիկ կ'անուանենք յանկարծ պոռթկացող քամին, որ յաճախ պատճառ կը դառնայ զօրաւոր վնասներու, կը հարուածէ շինութիւնները, կը ջարդէ եւ նոյնիսկ արմատահան կ'ընէ ծառերը: Այս ահեղ բնական երեւոյթը կրնայ տեսլ քանի մը վայրկեանէն մինչեւ 1,5 ժամ: Փոթորիկը սովորաբար կը յառաջանայ պաղ եւ տաք օդերու բախման ժամանակ, որուն հետեւանքով վեր կը բարձրանայ եւ սառելով անձրեաբեր ամպեր կը գոյացնէ: Անձրեւէն ալ գետին կը թափին տեղատարափ անձրեւ, ձիւն կամ նոյնիսկ կարկուտ: Փոթորկածին ամպը հեռուէն նկատելի կ'ըլլայ: Այսօր գիտնականները արդէն կրնան որոշել այն շրջանները, որոնց տարածքով պիտի անցնի փոթորիկը, եւ նախօրօք կը զգուշացնեն բնակիչները:

ԱՐԵԳԱԿԸ Ո՞Ր ԿԸ ԳԻՇԵՐԷ:

Ինչո՞ւ ցերեկը արեւը պայծառ կը շողայ, իսկ երեկոյեան կ'անհետանայ եւ կը մթնի: Իրականութեան մէջ արեւը չի շարժիր: Մեր մոլորակը մշտական շարժումի մէջ է, 24 ժամուան ընթացքին ինքն իր շուրջ մէկ ամբողջական պտոյտ գործելով: Ահա եւ այնպէս մը կը թուի, որ երբ երկրին մէկ կողմը արեւուն կը նայի՝ այնտեղ ցերեկ կ'ըլլայ, իսկ միւս կողմը, որ արեւուն չի նայիր՝ գիշեր կ'ըլլայ:




ԻՆՉԻ՞ ՄԱՍԻՆ ԿԸ ԽՕՍԻՆ ՋՐԱՓՈՍԵՐՈՒ ՎՐԱՅ ԳՏՆՈՒՈՂ ՊՂՊՁԱԿՆԵՐԸ:

Առիթ ունեցե՞ր էք արդեօք, տեսնելու թէ ինչպէս ամառնային տաք անձրեւին ժամանակ ջրափոսերու մէջ բազմաթիւ պղպշակներ կը յայտնուին: Անձրեւին կաթիլները հարուածելով ջուրին մակերեսը՝ անմիջապէս ետ կը ցատկէն: Անոր արդիւնքով գոյացած այդ բարակ ջրային թաղանթը կը նմանի գմբէթի մը (հովանոցի նման), որուն տակ օդ կ'ըլլայ: Ահա այդպէս ալ ջրափոսերուն մէջ պղպշակները կը յայտնուին:

ԻՆՉ Է ՄԱՌԱԽՈՒՂԸ (ՄՇՈՒՇ):

Մառախուղը ամպ է, ոչ միայն երկնքի մէջ, այլեւ երկրի մակերեսոյթին մօտ: Այնպէս կ'երեւի, որ կարծես սպիտակ ծածկոց մը իջած ըլլայ երկրին վրայ եւ պատած շրջապատը գտնուող բոլոր տուները, մարդիկը, մեքենաները...

Մառախուղը քաղաքին մէջ սովորաբար աւելի խիտ կ'ըլլայ, քան գիւղը, որովհետեւ քաղաքին օդը աւելի ապականած կ'ըլլայ՝ փոշիներէն, գործարաններու եւ ինքնաշարժներու արտադրած նւիրէրէն: Մառախուղը կը յառաջանայ առաւօտ կանուխ կամ գիշերները, երբ օդին պաղ հոսանքները ցած կ'իջնեն եւ կը հանդիպին հողին կամ ջուրի տաք մակերեսին, որոնք դեռ սառած էն ըլլար:











Գ ո լ ն ա լ ո թ է՝
 հետեւեալ պատկերը
 ն ա խ ա ս ի ր ա ծ
 գոյներով:





Թիւերը յաջորդաբար միացնելով
 ամբողջացո՛ւր պատկերը:

Կրկն՝ս լուծել:

	+		=	8
	+		=	6
	+		=	5
	+		=	?

Կրկն՝ս գտնել ելքի ճամբան:



ԲԱՆԱՍՏԵՂԾՈՒԹԻՒՆ

ԱԶԱՏՈՒԹԻՒՆ

Միքայել Նայպանտեան



Ազատն Աստուած այն օրէն,
Երբ հաճեցաւ շունչ փչել,
Իմ հողանիւթ շինուածքին .
Կենդանութիւն պարգեւել,
Ես անբարբառ մէկ մանուկ,
Երկու ձեռքս պարզեցի,
Եւ իմ անզօր թելերով
Ազատութիւն գրկեցի:

Մինչ գիշերը անհանգիստ,
Օրօրոցին մէջ կապուած,
Ես կու լայի անդադար
Մօրս քունը խանգարած,
Կը խնդրէի ես իրմէ
Բազուկներս արձակել.
Ես այն օրէն ուխտեցի
Ազատութիւնը սիրել:

Թոթով լեզուիս մինչ կապերն
Արձակուեցան, բացուեցան,
Մինչ ծնողքս իմ ձայնէն
Խնդացին ու բերկրացան,
Միակ խօսքը որ ըսի
Չէր հայր, կամ մայր, կամ այլ բան,
Ազատութի՛ւն դուրս թռաւ
Իմ մանկական բերանէն:



ԱՆԻՐԱՒ ՄԱՐԴԸ

Մեծահարուստ մը իր տունը վարձով կու տայ աղքատի մը եւ զայն կողոպտել ուզելով տան մէջ կը ձգէ ամաններ, որոնցմէ քանի մը հատը ձեռով լեցուն էին, իսկ միւսները՝ կիսատ: Երբ տունը վերադարձնելու ժամը կը հասնի, մեծահարուստը կու գայ ստուգելու ամանները: Կիսատ ամանները ցոյց տալով աղքատը գողութեամբ կը մեղադրէ: Երբ աղքատը դատարան կը կանչուի, փրկուելու այլ ելք չի գտնուիր, բացի՝ հատուցուելէ: Մէկը, որուն անունը տնանկներու ապաւեն էր, աղքատը մէկ կողմ կը քաշէ ու կը հարցնէ անոր.

- Անմե՞ղ ես, թե՞ պարտապան:

- Անմեղ եմ,- կը պատասխանէ ան:

Ապա անոր հետ կը վերադառնայ դատարան եւ յամառօրէն կը պահանջէ, որ չափէն ամանները աւելցնելով, որ եթէ կիսատ ամաններուն մէջ նոյնքան մրուր գտնուի, որքան լեցուն ամաններուն մէջ՝ աղքատը թող փոխհատուցէ, իսկ եթէ ոչ թող ազատ արձակուի: Եւ կը պարզուի, որ կարասները կիսատ էին: Այսպիսով, աղքատը ազատ կ'արձակուի, իսկ մեծահարուստը կը դատապարտուի: